



Rabu 23 Juni 2021

Ogen: Masmur 90: 14



“Benaken I bas keleng ate Tuhan”



Anda tidak akan mencapai garis finish bila tidak meninggalkan garis start, enda me ikataken man banta adi ateta menaken sada pendahin entah erlumba kiam arus kerina ibenaken ibas garis start adi menakan seh ateta ku garis finish. Emaka lit kuan kuan cina ngataken nina semua berawal dari awal, sekali melenceng di titik awal tidak akan pernah sampai ke pada tujuan, emaka perlu kel si pepayo garis awal tujun si ateta sicapai ibas kegeluhenta gelah banci kita seh ku bas kemenangan. Benaken alu keleng ate Tuhan, adi kita nggeluh ibas keleng ate Tuhan, si gejakpen mbue kel perbebenta tapia di tetap kita nggeluh i bas keleng AteNa maka tetap kita megegeh. Covid 19 enda lenga si eteh ndigan ngadina tapi keleng ate Tuhan e erbahansa kita megegeh, seh kita ku garis batas ras la melenceng menaken perdalinenta, kai pe pendahinta, kai sinilakoken kita kerina banci silakoken i bas keleng ate Dibata.

Masmur 90 : 14 " useken min keleng ateNdu man kami tetap erpagi pagi Tuhan, gelah kami banci ermeriah ate dinging muji Kam kidekah umur geluh kami. Enda pemindon man Tuhan, gelah keleng ate Tuhan maler min tep-tep erpagi pagi, gelah tetap ermeriah ate dinging muji Tuhan. Uga kita tetap ngataken bujur man Tuhan ibas kerina dampar kegeluhenta. Menaken kita medak erpagi pagi bahanlah ibenaken i bas keleng ate Tuhan, uga kin adi keleng ate Tuhan e nemani kegeluhenta tentu la lit kebiarenta ndalanisa amin pe mberat perbebenta sebab la pernah kita itadingken Tuhan, Ketika Tuhan menutup pintu di sisi kiri, Tuhan anak membuka jendela disisi kanan. Tentu enda jadi gegehta katawari paksa pe i bas kegeluhenta, ula medu tetap megenggeng ras metenget gelah tetap kita menang i bas kerina dampar kegeluhenta. Kuasai dirinta erdalan bas keleng ate Dibata, ula melenceng ras salah i bas menaken pemenana gelah pendungina pe sikap emaka ulihna pe si mehuli sidatken i bas kegeluhenta.

